



## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De nobili femina, cui vltima ablutio per panem suscepta conuersa est in sanguinem, cap. 25.

**urn:nbn:de:hbz:466:1-13177**

*Miracu-  
la de ab-  
lutione  
celebra-  
tis.*

**S**acerdos quidam, sicut mihi aliis quidam religiosus sacerdos retulit, infirmum aliquando visitavit: erat idem infirmus laicus admodum religiosus, qui ait sacerdoti: Domine mi, hodie celebratis respondente illo; etiam, Agrotus subiunxit: Peto ut manus, quibus tractastis sacram Christi corpus & sanguinem, coram me abluitis, eritque meæ infirmitati eadem ablutio antidotum. Quod cum fecisset, aqua in cratera munda recepta est, de qua cu bibisset infirmus, residuum in cistâ reponi iussit, & diligenter operiri. Postea cum eandem aquam requireret, puer ad cistam accedens, non aquam in cratera, sed purum sanguinem reperit; quo illato, pro sacerdote missum est, à quo in ecclesiam deportatus, inter reliquias positus est. **A POLLONIVS:** Quid sentis de sanguine isto? **CÆSARIVS:** Non credo fuisse Christi sanguinem, quia aqua in illum minimè vertitur, nec vinum quidem absque debita sacerdotis benedictione Deus verò ob deuotionem hominis, elementū mutauit, ut ostenderet quod eundem sanguinem, quem continuè sumit in ecclesia sacramentaliter, fidelis quisque in omni loco possit sumere spiritualiter.

## CAPUT XXV.

**Q**uædam nobilis femina de Entenich, sicut à quodam edocta fuerat, tertiam ablutionem ex digitis sacerdotis in pane recepit, credes, si eandem per quatuor partes agri sui reconderet, q nulla aëris intemperies, vel grando segetes laderet, panem interim in scrinio suo reponens. Dum tempore oportuno accederet, quatenus eum per agrum suum diuideret, in sanguinem coagulatum cu vidit conuersum: territa nimis, matito eū ostēdit atque sacerdoti. Pro qua se omnes à prioribus Coloniensibus citati, sacerdos satis punitus est; illis vix se excusantibus, q nullū foret in causa maleficium. Nō enim placet Deo, si ad aliquos usus temporales sacramenta illa conuentantur. **APOLLONIVS:** Placet quod dicis. Nunc peto, ut exēpla proferas de dignè cōfidentibus. **CÆSARIVS:** Prius

Prius tibi ostendere volo, qualis esse debeat vita sacerdotum dignae conscientium.

## CAPUT XXVI.

**G**loria vitæ sacerdotalis in duobus præcipue consistit, castimonia videlicet & scientia: debet enim castus esse & literatus. Exemplum castitatis habes in Zacharia patre Ioannis, de quo Lucas sic ait: Et factum est, ut impleti sunt dies officij eius, abiit in domum suam. Vixit sine tempore pontifices, templi tantum officijs mancipati, non solum à complexu uxorum, sed etiam à domo & ingressu abstinebant. Nostris autem sacerdotibus, à quibus non carnalis successio, sed spiritualis perfectio queritur, qui quotidie praestò debent esse altari, perpetua castitas indicitur. Quod verò literatus esse debeat, testis est Malachias, qui dicit: Angelus scientiarum est, & legem ex ore eius requirèt. Hinc est quod Heli sedebat ante fores tabernaculi, ut responderet omni querenti. Audi quid illiterato sacerdoti per Osee dicatur: Quia tu sciantiam repulisti, repellam te, ne sacerdotio fungaris mihi. APOLLONIVS: Nunquid sacerdotes illiterati repellendi sunt a Domino? CAESARIUS: Non; sed quibus deest usus scientiæ exterioris, habeant, ut prædictum est, lumbos præcinctos, & lucernas ardentes in manibus, id est, opera bona. Quod si sibi commissos illuminare non valent verbo prædicacionis, ad diuinum anorem illos accedere studeant exemplo bonæ conuersationis. Introiens sacerdos ad altare, lauare debet faciem, os, & manus, id est, maculas cogitationis, locutionis, & operum, in labro æneo quod fecit Moyses ex speculis mulierum: Aqua est contritio, manutergium confessio, quod illa abluit, ista abstergit: Specula mulierum sunt exempla sanctarum animarum, fides scilicet Abrahæ, obedientia Isaac, lenitas Iacob, mansuetudo Moysi, humilitas Dauid, zelus Heliae, pietas Iosiae, castitas Danielis. In his si sacerdos se considerauit, facile cognoscet suam imperfectionem. APOLLONIVS: Qualis esse debeat consciens, satis ostédisti: nunc me

N n 2 expe-